

Carsten Niebuhrs Gade 43
1577 København V
Telefon +45 7221 8800
info@trafikstyrelsen.dk
www.trafikstyrelsen.dk

Notat
Ulloq: 14-11-2025
Suliaq nr.: 2025-280847
Suliarinnittoq: FRHAN

Tusarniaaffigineqartunut

Silaannakkut angallanermut suliassaqarfirmut Trafikstyrelsenip akiligassiissutai akitsuusiinikkullu akileraarutigigitai il.i l. pillugit nalunaarummut missingiutip tusarniutigineqarnera

Matumuuna 2026-imiit atuuttussamik silaannakkut inunnik angallassinermut Trafikstyrelsenip akiligassiissutai akitsuusiinikkullu akileraarutigigitai pillugit nalunaarummut missingiut tusarniutigalugu nassiunneqarpoq. Nalunaarut Danmarkimut, Kalaallit Nunaannut aamma Savalimmiunut atuutissaaq. Trafikstyrelsenip akiligassiissutini akitsuusiinikkullu akileraarutigigitani ukiumut ataasiarluni aaqqissuuttarpai, tak. silaannakkut angallanneq pillugu inatsimmi aamma silaannakkut angallatinut pisinnaatitaaffinnik nalunaarsuineq pillugu inatsimmi malittarisassat atuuttut kiisalu Finansministeriap missingersuutitut ilitsersuutaa.

Nalunaarummi akitsuusiinikkut akileraarutigigitat Finansministeriap missingersuutitut ilitsersuutaa naapertorlugu naatsorsorneqarput, tassunga ilaatillugu ukiut 4-kkaarlugit naligiissitsinissamut piumasaqaat. Akigititat aalajangersarneqartarput, aningaasartuutit aamma isertitat akornanni naligiissiitsinissaq naatsorsuutigineqarluni, sinneqartoorutaasinnaasut/amigartoorutaasinnaasut annikillisinneqarnissaat siunertaralugu. Akigititat 1. januar 2026-miit atuuttussat nalunaarummut ilanngussami aamma Tabel 1-imi allaqqapput.

Isumannaallisaanermut (safety) akileraarutigigitat silaannakkut angallanneq pillugu inatsimmi § 148 malillugu ukiumut ataasiarluni aaqqinneqartarpoq. Kalaallit Nunaanniit imaluunniit Savalimmiuniit aallanermut akigititaq silaannakkut angallanneq pillugu inatsimmi siusinnerusumi nangittumik ilaatinneqarpoq, INATSISIP nr. 1474, 10/12/2024-meersup kingunerisaanik, silaannakkut angallanneq pillugu inatsimmik allanngortitsineq nangittumik Kalaallit Nunaannut aamma Savalimmiunut atuutilersinneqarsimanngimmat. Silaannakkut angallanneq pillugu inatsit kingulleq Kalaallit Nunaannut aamma Savalimmiunut atuutilersinneqarpat, akigititap Danmarkimi akigititaq assigissavaa.



Isumannaallisaanermut (safety) akileraarutigitaq 2026-mi Danmarkimi 10,25 koruuniussaaq aammalu Kalaallit Nunaanni aamma Savalimmiuni 5,00 koruuniussalluni.

Akileraarutigitaq arfineq marluk qaffanneqassapput, akileraarutigitaq qulingiluat appartinneqassapput aammalu akileraarutigitaq pingasut allanngortinneqaratik. Ataani tabel 1 -ip allannguutit takutippai.

Aningaasaqarnermut aamma allaffissornermut kingunerisai

Akileraarutigitanut aalajangersimasunut allannguutit 2026-mi suliaqarfimmi 0,1 mio. koruunit missaanni sipaaruteqaataanissaat naatsorsuutigineqarpoq. Akiligassaq malillugu akileraarutigitaq allanngortinneqarnera 2026-mi suliaqarfirmut 3,0 mio. koruunit missaanni aningaasartuutaanerulernissaa naatsorsuutigineqarpoq.

Akigitat allanngortinneqartut suliaqarfimmi allaffissornermut allannguutinik kinguneqarnissaat naatsorsuutigineqanngilaq.

Atuutilersitsineq, tusarniaanermut piffissarititaasoq il. il.

Siunnersuutigineqarpoq, nalunaarut atuutilissasoq ulloq 1. januar 2026.

Trafikstyrelsenimit noqqaassutigaarput, oqaaseqaataasinnaasut emailitsinnut info@trafikstyrelsen.dk-mut, cc-rlugu frhan@trafikstyrelsen.dk, nassiunneqassasut **kingusinnerpaamik ulloq 26. November 2025**, allallugu j.nr. 2025-280847.

Missingiut pillugu apeqquteqaataasinnaasut Frederikke Hansen-imut saaffiginissutigineqassapput mailikkut frhan@trafikstyrelsen.dk imaluunniit info@trafikstyrelsen.dk.

Tusarniaanermi pappialaatit aamma [Høringsportalen \(www.hoeringsportalen.dk\)](http://www.hoeringsportalen.dk)-mi takuneqarsinnaapput, tassanilu aamma tusarniaanermut akissutit tamanut saqqummersinneqarumaarlutik. Tusarniaanermut akissuteqarnermi tusarniaaffigineqartoq akuersaassaaq, tusarniaanermut akissut, ateq, aamma najugaq allanneqarsimasinnaasooq, e-mail adressi Høringsportalen-imi saqqummiunneqarnissaannut.

Oqaaseqaatigineqarpoq, Trafikstyrelsenip nalinginnaasumik tusarniaaffigineqartunut ilisimatitsineq ajormat, nalunaarut, BJ imaluunniit BL atulersinneqarsimappat.

Nalunaarutit, BJ-it imaluunniit BL-it atulersinneqarsimasut Trafikstyrelsenip nittartagaani (www.trafikstyrelsen.dk)-mi Inatsisit aamma malittarisassat ataanni takuneqarsinnaapput. Nyhedsbrev-erput aamma malittarisassat atulersinneqarsimasut pillugit paasissutissanik imaqarpoq. Nittartakkatsinni Nyhedsbrev-itsinnik pisartagaqalertoqarsinnaavoq.

Tusarniaanermi killigitaavoq ulloq 26. November 2025.

Inussiarnersumik inuulluaqqusillunga

Frederikke Hansen

Fuldmægtig, Økonomi

**Tabel 1: 2025-mi aamma 2026-mi akileraarutigigititanut akigititat**

Aaqqissuussineq	Akigititaq 2025 (kr.)	Akigititaq 2026 (kr.)
2D1 – Inuit paasissutissanik isertuussanik takunnissinnaasut isumannaallisaanikkut akuerineqarneri	2.800	2.800
3A1 – Silaannakkut angallammik nalunaarsuineq kiisalu piginnittuunermik/atuisuunermik allannguneq	700	1.950
3D1 – Dronenik ingerlatsisartunik aamma dronenik allagartaqarfiusariaqartunik nalunaarsuineq	65	65
4A1 – Pisinnaatitaaffimmik nutaamik atulersitsineq/ilanngussineq	1.050	800
4A5 – Part-FCL.1000-imut atatillugu soraarummeersitsisartutut allagartamut ataatsimut atulersitsineq/annertusaaneq/nutarterineq	6.750	7.700
4A6 – Part-FCL.900-mut atatillugu ilitersuisutut allagartamut ataatsimut atulersitsineq/annertusaaneq/nutarterineq	2.000	1.500
4A9 – Droninut aamma droninut onlinekkut misilitsinnernut piginnaasaqarnermut allagartamik atulersitsineq/nutarsaaneq/atulersitseqqinneq	130	130
4B1 – Inunnut allagartat akuersissutit ATS-it – Aallaggaataani pisinnaatitaaffiit atulersinneqarneri	800	400
4C2 – Part-66 AML-ip nutarterneqarnera/annertusarneqarnera	1.600	1.500
4D2 – C/C-mut allagartamik atulersitsineq	140	350
4D3 – Radiomut allagartamik aamma oqaatsinut assessoritut allagartamik atulersitsineq	300	250
4I1 – Lufradiotelefonistitut misilitsinneq	800	1.050
4J1 – PPL misilitsinnermut ataatsimut/fagimi ataatsimi misilitseqqinneq	600	800
4J2 – ATPL misilitsinnermut ataatsimut/fagimi ataatsimi misilitseqqinneq	950	875
4M1 – Medical transfer tikittunut	1.050	775
4M2 – Medical transfer aallartunut	1.450	450
6F5 – Piffissami killiligaasumi silaannakkut angallassissutinut nunanit allaneersunut (UL-inut) akuerineqangitsunik suussusilinnut immikkut ittumik akuersissutit	1.050	500
9E7 – Misissuisartut aamma security-mi suleqataasut allat akuerisaanermut allagartassaannik tunniussineq aamma tunniusseqqinneq	450	550
12A1 – Pikkorissarneq ullormut	2.500	3.000
Akiligassiisut A1 malillugu	1.100	1.300
Danmarkimut isumannaallisaanermut (safety) akileraarutigigititaq	8,00	10,25
Savalimmiunut isumannaallisaanermut (safety) akileraarutigigititaq	5,25	5,00
Kalaallit Nunaannut isumannaallisaanermut (safety) akileraarutigigititaq	5,25	5,00

Allannguutit pingaarnerit ataani sammineqarput. Oqaaseqaatigineqarpoq, Trafikstyrelsenip akileraarutigigititanik atulersitsinnermut atatillugu piffissaq atorineqartartoq misissorsimagaa, aammalu tamatumunnga atatillugu paasisimagaa, nalunaaquttap akunneri akileraarutigigititatigut aningaasalersorneqartussaagaluartut tamakkernatik atorineqarsimasut. Taartigisaanik nalunaaquttap akunnerisa ilaat isumannaallisaanermut (safety) akileraarutigigititatigut, Trafikstyrelsenip silaannakkut angallannermik nakkutilliineranik aningaasalersuisussatut siunertaqartutigut, matussuserneqarsimapput. Suliassat tamarmik akileraarutigigititanut attuumassuteqartut akileraarutigigititanut akigititanit matussuserneqartussaammata, taakku



kisimiillutik - aammalu taamaalillutik akileraarutigigitanut akigititat - akileraarutigigitanut arlalinnut aningaasartuuteqarneruneq kingunerivaat.

3A1 – Silaannakkut angallammik nalunaarsuineq kiisalu piginnittuunermik-/atuisuunermik allanngugineq

Akileraarutigigititaq 2025-mi 700 koruuniniit 2026-mi 1.950 koruuninut qaffanneqassaaq. Akileraarutigigititaq qaffanneqartup ilaatigut pissutigivaa, siusinnerusukkut akigititaq aningaasartuutiviit tunngavigalugit aalajangersarneqarsimanera aaqqissuussinnermi sinneqartoorneq qaangerniarlugu, aamma nalunaaquttap akunneri tamarmik akileraarutigigitatigut aamma aningaasalersorneqartussaasimagaluartut tamakkerneqarsimannginneri. Atulersitsinerit amerlassusaat appasipput, taamaalilluni akileraarutigigititaq akia allanngujalluni.

4A1 - Pisinnaatitaaffimmik nutaamik atulersitsineq/ilanngussineq

Akileraarutigigititaq 2025-mi 1.050 koruuniniit 2026-mi 800 koruuninut apparneqarpoq. Siusinnerusukkut akigititaq aningaasartuutininik matussusiisoq qaangerlugu qaffasissusilerlugu aalajangersarneqarsimavoq aaqqissuussinnermi amigartoorneq qaangerniarlugu. Maanna tamatuma amigartoornerup qaangerneqarnissaa naatsorsuutigineqarpoq, taamaalillunilu akigititaq appartinneqarsinnaalluni.

4A5 - Part FCL.1000-imut atatillugu allagartamut ataatsimut, soraarummeersitsisartutut allagartamik atulersitsineq/annertusaaneq/nutarterineq

Akileraarutigigititaq 2025-mi 6.750 koruuniniit 2026-mi 7.700 koruuninut qaffanneqarpoq. Aaqqissuussinnermi amigartoornerup qaangernissaa siunertarlugu akileraarutigigititaq qaffappoq. Aaqqissuussinnermi sinneqartoorneq qaangerniarlugu siusinnerusukkut akileraarutigigititaq appartinneqarsimavoq.

4A6 - Part FCL.900.-mut atatillugu allagartamut ataatsimut, ilitsersuisutut allagartamik atuutilersitsineq/annertusaaneq/nutarterineq

Akileraarutigigititaq 2025-mi 2.000 koruuniniit 2026-mi til 1.500 koruuninut appartinneqarpoq. Akileraarutigigititaq 2025-mi akileraarutigigititaasimasut pingasut ataatsimoortinneqarnerisigut pilersinneqarpoq, tassani aningaasartuutininik matussusiisussatut qaffasissusilik missingiussaak akigitinneqarsimalluni. Ataatsimoortitsineq sioqqullugu aaqqissuussinnerit sinneqartoortaa simapput. Taamaattumik akileraarutigigitatigut sinneqartoortup tamakkiisup qaangernissaa siunertarlugu akileraarutigigititaq apparneqarpoq.

4B1 - Inunnut allagartat akuersissutit ATS-it – Aallaqqaataani pisinnaatitaaffiit atulersinneqarneri

Akileraarutigigititaq 2025-mi 800 koruuniniit 2026-mi 400 koruuninut appartinneqarpoq. Naatsorsuutigineqarsimasooq uniorlugu annikinnerusumik aningaasartuuteqarnerup kingunerisaanik nangittumik sinneqartoornissamik naatsorsuuteqarneq tunuliaqutaralugu akiusooq appartinneqarpoq.

4D2 - C/C-mut allagartamik atulersitsineq

Akileraarutigigititaq 2025-mi 140 koruuniniit 2026-mi 350 koruuninut qaffanneqarpoq. Qaffaanermut pissutaavoq, akileraarutigigititamik suliaqarnermut atatillugu nalunaaquttap akunneri tamakkerlugit suliaq normuani akileraarutigigitatigut aningaasalersorneqartumi siusinnerusukkut nalunaarsorneqarsimannginneri, aallaqqaataani nassuiaatigineqartutut. P



Taamaattumik aningaasartuutini matussusiisussatut qaffasissusillip naatsortuutigisap eqqornissaa siunertaralugu akiusoo qaffanneqarpoq.

4J1 - PPL misilitsinnermut ataatsimut/fagimi ataatsimi misilitseqqinneq

Akileraarutigigititaq 2025-mi 600 koruuniniit 2026-mi 800 koruuninut qaffanneqarpoq. Aaqqissuussinermi amigartoornissaaq naatsorsuutigineqartoq tunuliaqutaralugu akileraarutigigititaq qaffanneqarpoq. Aamma naatsortuutigineqarpoq ukiuni tulluuttuni aningaasartuutit qaffasinnerunissaat, danskisut oqalulluni misilitsinnernut atatillugu atortunik ilassutaasunik suliaqarnerup aammalu avataaniit nutarterinermik atuinerup pisariaqartinneqartup kingunerisaannik.

4M1 - Medical transfer tikittunut

Akileraarutigigititaq 2025-mi 1.050 koruuniniit 2026-mi 775 koruuninut appartinneqarpoq aningaasartuutini matussusiisussatut qaffasissutsimut naatsorsuutigineqartumut inissillugu.

4M2 – Medical transfer aallartunut

Akileraarutigigititaq 2025-mi 1.450 koruuniniit 2026-mi 400 koruuninut appartinneqarpoq. Aaqqissuussinermi sinneqartoorneq qaangerniarlugu akiusoo appartinneqarpoq.

6F5 – Piffissami killiligaasumi silaannakkut angallassissutitut nunanit allaneersunut (UL-inut) akuerineqanngitsunik suussusilinnut immikkut ittumik akuersissutit

Akileraarutigigititaq 2025-mi 1.050 koruuniniit 2026-mi 500 koruuninut appartinneqarpoq. Akileraarutigigititaq 2025-mi pilersinneqarpoq, tassani aningaasartuutaasussatut naatsorsuutigineqartoq tunuliaqutaralugu akiusoo aalajangersarneqarluni. Aningaasartuutaasooq naatsorsuutigisimasamit appasinneruvoq, aammalu taamaattumik qaffasissuseq aningaasartuutini matussusiisussatut naatsorsuutigineqartoq eqqorniarlugu appartinneqarluni.

9E7 - Misissuisartut aamma security-mi suleqataasut allat akuerisaanermut allagartassaannik tunniussineq aamma tunniusseqqinneq

Akileraarutigigititaq 2025-mi 450 koruuniniit 2026-mi 550 koruuninut qaffanneqarpoq. Aaqqissuussinermi sinneqartoorneq qaangerniarlugu aningaasartuutini matussusiisussatut naatsorsuutigineqartoq ataallugu siusinnerusukkut akileraarutigigititaq aalajangersarneqarsimavoq. Taamaattumik qaffasissutsip aningaasartuutini matussusiisussap eqqornissaa siunertaralugu akileraarutigigititaq qaffanneqarpoq.

12A1 – Pikkorissarneq ullormut

Akileraarutigigititaq 2025-mi 2.500 koruuniniit 2026-mi 3.000 koruuninut qaffanneqarpoq. Aaqqissuussinermi amigartoornissaaq naatsorsuutigineqartoq tunuliaqutaralugu akileraarutigigititaq qaffappoq.

Akiligassiissut A1 malillugu

Akiligassiissut malillugu akileraarutigigititamut akigititaq 2025-mi 1.100 koruuniniit 2026-mi 1.300 koruuninut qaffanneqarpoq. Tamatumunnga pissutaavoq, styrelsenip suliaanut akiligassiissutit malillugit aningaasalersorneqartunut atatillugu qaffasinnerusumik aningaasartuuteqarnissamik naatsorsuuteqarneq, ilaatigut suliaqarfimmi nalinginnaasumik



anigaasarsiat qaffanneqartarnerisa kingunerisaannik, sulisussarsiornermut atatillugu styrelsenimi anigaasarsiat qaffasissusaannik aalajangersaasarnermut sunniuteqartunik.

Tamatuma saniatigut nalunaaquttap akunnerinik eqqortumik maannamut nalunaarsuisannginneq akiligassiissutit malillugit akileraarutigigitamut sunniuteqarput, tassani nalunaaquttap akunneri ilaat isumannaallisaanermut (safety) akileraarutigigitatigut matussuserneqartarsimallutik. Suliassat tamarmik akileraarutigigitamut attuumassuteqartut akileraarutigigitamut akigititamit matussuserneqartussaammata, tamatuma immini anigaasartuutit qaffasinnerusut kingunerivai. Taamaattumik qaffasissutsip anigaasartuutunik matussusiisussap eqqornissaa siunertaralugu akiusoq qaffanneqarpoq, aammalu aaqqissuussinermi killeqartumik amigartoorneq qaangerneqarluni.